

[Augsburg], 14. September 1561

An Johannes Oporinus

UB Basel, Fr. Gr. I 11, fol. 247r.
Steinmann Nr. 737.

S. P. D. Tabellarius iamiam abiturus tuas mihi reddidit. Quare ignosces breuitati. De meis lucubrationibus statues quod visum fuerit. Quarum editionem videndi spem si haberem: fortasse conarer aliquid in reliquis oratorib[us]. Sed quia vereor ne opus inchoatum relinquam: non temere nouos mihi labores capiendos existimo. Reiffenstein iam abest Lipsiae. Opus ipsius nondum vidi. Si accepero, curabo vt iussisti. Annae Caesarissae historia plus habet verborum quam rerum, nec eam edi cum Zonara operaeprecium esse puto, cum vnius Comneni contineat historiam, qui est in Zonara vltimus. Cedrenus idem argumentum tractat quod Zonaras. sed vltra primum Comnenum non progreditur, copiosior tamen et disertior Zonara. 2. nummos tibi debui pro 25 Epictetis. Quare me pudet mihi gratias abs te agi, cui plurimum et debedo et debebo. Nec enim soluendo sum. Alias plura. Schedam tuam ad Stettensem misi mihi tantum μέχρι προσόφεως notum ούχι δὲ καὶ προσαγορεύσεως. Vale Mi D. Oporine Demosthenem et Isocratem si accepero, vel ipse vtcunque incertissima perficiendi spe, aliquid conabor, vel alteri mandabo, qui fortassis idem praestabit melius. 14 Sept[embris] 1561.

T[uus] H[ieronymus] Wolfius.